

**CENTAR ZA KRIMINALISTIČKA,
KRIMINOLOŠKA I PRAVNA
ISTRAŽIVANJA,
ZAVOD ZA JAVNO ZDRAVSTVO
SREDNJOBOSANSKOG KANTONA,
VLADA SREDNJOBOSANSKOG
KANTONA / KANTONA SREDIŠNJA
BOSNA
MINISTARSTVO OBRAZOVANJA,
NAUKE, MLADIH, KULTURE I SPORTA I
SVEUČILIŠTE / UNIVERZITET VITEZ**

**POZIVAJU VAS DA AKTIVNO
UČESTVUJETE U RADU
IV (ČETVRTE) NAUČNO-STRUČNE
KONFERENCIJE SA MEĐUNARODNIM
UČEŠĆEM**

**„PAMETAN IZBOR, SIGURNA
BUDUĆNOST – PREVENCIJA
EDUKACIJOM“**

📍 **Mjesto održavanja;** Hotel CENTRAL,
Vlašić – Bosna i Hercegovina

📅 **Datum održavanja;** 10. april/travanj 2026.
godine

U vremenu kada su ovisnosti, rizična ponašanja i rani oblici devijacija među mladima u porastu, odgovornost stručne i akademske zajednice nikada nije bila veća. Zloupotreba alkohola i narkotika, kockanje, ovisnost o hrani, digitalne ovisnosti i mnogi drugi oblici ovisnosti, kao i ponašajne devijacija sve češće postaju dio svakodnevice mladih ljudi, nerijetko prerastajući u ozbiljne društvene i sigurnosne izazove.

IV Naučno-stručna konferencija sa međunarodnim učešćem ima za cilj ponuditi sistemski, interdisciplinarni i preventivni odgovor na ove pojave. Konferencija okuplja naučnike i praktičare iz oblasti; javnog zdravstva, medicine, prava, kriminalistike, kriminologije, obrazovanja i drugih društvenih i prirodnih nauka, predstavnike javnih institucija i civilnog sektora koji svojim znanjem i iskustvom mogu doprinijeti izgradnji održivih preventivnih modela.

Poseban značaj konferencije ogleda se u činjenici da Bosni i Hercegovini i dalje nedostaju sveobuhvatni, kontinuirani i sistemski programi prevencije, koji mladima nude znanje, vještine i vrijednosti potrebne za donošenje odgovornih životnih odluka. Ova konferencija ima ambiciju da bude platforma za razmjenu iskustava, predstavljanje dobrih praksi i kreiranje konkretnih preporuka za unapređenje javnih politika u oblasti prevencije ovisnosti i pojavnih oblika kriminaliteta.

Ciljevi konferencije su:

- jačanje svijesti o štetnim posljedicama ovisnosti i rizičnih ponašanja,
- razvoj preventivnih modela zasnovanih na edukaciji i naučnim dokazima,
- unapređenje saradnje između obrazovnog sistema, javnog zdravstva, pravosudnih i sigurnosnih institucija,
- podsticanje odgovornog ponašanja mladih kroz jačanje njihovih socijalnih i životnih kompetencija,
- doprinos dugoročnom jačanju sigurnosti i otpornosti zajednice.

Primarni imperativ jeste zaštita djece i mladih, ali i podizanje svijesti roditelja, nastavnika, zdravstvenih

radnika, stručnih saradnika i predstavnika lokalne zajednice o važnosti pravovremene prevencije. **Edukacija ostaje najmoćnije sredstvo društvene zaštite – jer informisan mlad čovjek donosi pametniji izbor, a pametan izbor gradi sigurnu budućnost.**

Uvjereni smo da će realizacija ove konferencije doprinijeti razvoju stručnog dijaloga, kreiranju konkretnih preporuka i jačanju institucionalne saradnje, te dugoročno unaprijediti kvalitet života i sigurnost naše zajednice.

Uz Vaše učešće, znanje i iskustvo, konferencija će biti snažan korak ka društvu koje prevenira umjesto da reaguje.

U ime Naučnog i Organizacionog odbora, radujemo se Vašem dolasku i zajedničkom doprinosu ovoj važnoj misiji.

**Prof.dr.sc. Sead Karakaš,
predsjednik Naučnog odbora**

**Prof. dr. sc. Adnan Pirić,
predsjednik organizacionog odbora**

TEME

Naučno-stručna konferencija sa međunarodnim učešćem pruža učesnicima mogućnost da samostalno odaberu tematsku oblast iz koje će izložiti rad, pod uslovom da je ista u funkcionalnoj i sadržajnoj vezi sa centralnom temom konferencije.

Tematski okvir obuhvata, ali nije ograničen na sljedeće naučne i stručne oblasti:

- Medicinsko pravo;
- Zdravstveno pravo;
- Krivično pravo;
- Maloljetničko krivično pravo;
- Kriminalistika;
- Kriminologija;
- Sociologija;
- Psihologija;
- Javno zdravlje;
- Socijalna medicina;
- kao i druge srodne naučne discipline koje svojim interdisciplinarnim pristupom doprinose razumijevanju i prevenciji rizičnih ponašanja i ovisnosti.

Konferencija posebno stavlja fokus na analizu i prevenciju najčešćih oblika ovisnosti, među kojima se izdvajaju:

- alkoholizam,
- ovisnost o nikotinu (duhan, cigarete, e-cigarete),
- kockanje i druge oblike patološkog hazarderstva,
- ovisnost o internetu i društvenim mrežama,
- ovisnost o videoigrama,

- poremećaji u ishrani i ovisnost o hrani,
- ovisnost o narkoticima (heroin, kokain, amfetamini, sintetičke droge),
- ovisnost o lijekovima (sedativi, analgetici, hipnotici i drugi psihoaktivni preparati),
- te drugi savremeni oblici bihevioralnih i supstancijalnih ovisnosti.

Kroz interdisciplinarni pristup, cilj je sagledati ovisnosti ne samo kao zdravstveni, već i kao pravni, sigurnosni, socijalni i društveni izazov, te ponuditi konkretne preporuke za razvoj preventivnih politika i edukativnih programa.

JEZIK

Službeni jezik/ci konferencije su bosanski, hrvatski, srpski i engleski.

OPĆE UPUTE

1. Prijava rada i učešća

Molimo da vašu prijavu (sažetak, **uputstva:** <https://ckkpi.ba/poziv-za-dostavu-radova-2/>) učešća pošaljete najkasnije do **10.03.2026.godine (utorak)**. Svi prijavljeni radovi bit će uzeti u razmatranje i recenziranje.

2. Prihvatanje radova i upute za autore

Sve radove pregledat će članovi Programskog odbora i obavijestit će autore o prihvatanju rada. Prezentacija pozvanih predavača na konferenciji će trajati **10 do 15 minuta**.

3. Naučno stručni Časopis/Zbornik

Blagovremeno dostavljeni i pozitivno recenzirani radovi (od strane minimalno dva anonimna recenzenta) biti će objavljeni u V broju Naučno

stručnog časopisa Centra – **Kriminalističke, kriminološke i pravne teme** (cecoll: <https://www.cecol.com/search/journal-detail?id=4416>).

Ostali radovi bit će objavljeni u Zborniku radova konferencije.

4. Važni datumi

- Rok prijave rada (sažetka) ili učešća: **10.03.2026.g.**
- Obavijest o prijemu i prihvatanju sažetka: **15.03.2026. godine**,
- Datum održavanja konferencija: **10.04.2026. g (petak), početak od 10:00 sati**,
- Dostava konačnih radova: **30.04.2026. g.**

5. Registracija / kotizacija

Molimo Vas da sažetak/prijavu rada pošaljete e-mailom na sljedeću adresu:

centarkkpi@gmail.com ili centarkkpit@gmail.com ili tr.zavod@bih.net.ba

Kotizacija za učešće:	100,00 KM/ 50,00 EUR
-----------------------	---------------------------------

Uplatu kotizacije izvršiti najkasnije do **31.03.2026. godine**, na broj žiro računa: **NLB banka: 1322602022923870**).

Kotizacije su oslobođeni studenti; I, II i III ciklusa studija svih fakulteta na području Bosne i Hercegovine i regije.

Registracija podrazumjeva:

- Piće dobrodošlice,
- kafe pauze tokom trajanja Konferencije,
- svečani ručak,
- akreditaciju i prisustvo predavanjima,
- materijal konferencije,
- certifikat o učešću.

6. Smještaj




Ukoliko neki od učesnika dolaze dan ili nekoliko dana ranije ili imaju potrebu ostati dan ili nekoliko dana nakon konferencije, za rezervaciju smještaja potrebno je obratiti se direktno Hotelu „CENTRAL“

<https://hotelcentralvlastic.com/> na e.mail: info@hotelcentralvlastic.com ili direktno na broj telefona: +387 (0) 62 818 412

Ukoliko prilikom prijave naznačite da smještaj rezervišete za konferenciju ugovoren je popust za učesnike (**obavezna naznaka “konferencija”**).

Hotel Central Vlačić, smješten je u najatraktivnijem dijelu Vlačića, blizu svakodnevnog zbivanja, tačnije rečeno, u srcu Babanovca, nudeći vrhunsku uslugu, udobnost i odmor tokom cijele godine. Idealno je mjesto, kako za zimske, tako i za ljetne aktivnosti (planinsko pješaćenje, biciklizam, šetnje). Pored hotelskog smještaja gostima stoje na raspolaganju: kaffe-bar, restoran, ljetna bašta, moderno opremljeni bazen po najvišim standardima, jacuzzi, sauna za vaš potpuni užitek.

Web sajt: <https://hotelcentralvlastic.com/>



7. MJESTO ODRŽAVANJA

Vlačić je jedna od najpoznatijih planina u Bosni i Hercegovini i nalazi se u **Srednjoj Bosni**, iznad grada Travnik. Poznata je po prirodnim ljepotama, planinskim pašnjacima i razvijenom zimskom turizmu.

📍 Osnovne informacije

- **Najviši vrh: Paljenik (Opaljenik)** – 1943 m nadmorske visine
- **Nadmorska visina visoravni Babanovac:** oko 1.260 m
- **Klima:** planinska, sa snježnim zimama i svježim ljetima
- **Administrativno:** Srednjobosanski kanton / Kanton Središnja Bosna



❄ Zimski turizam

Vlašić je jedno od značajnih skijališta u Bosni i Hercegovini. Ski-centar Babanovac nudi:

- uređene ski-staze,
- ski-liftove i žičare,
- noćno skijanje,
- hotele i planinske apartmane.


🌿 Ljetne aktivnosti

Tokom ljeta Vlašić je atraktivan za:

- planinarenje i šetnje,
- brdski biciklizam,
- paraglajding,
- odmor u prirodi.

📦 Vlašićki sir

Planina je poznata i po tradicionalnom **vlašićkom (travničkom) siru**, koji se proizvodi na planinskim pašnjacima i ima dugogodišnju tradiciju.



Rijeka [Ugar](#).

8. Kontakt informacije za treću naučno stručnu konferenciju sa međunarodnim učešćem

Centar za kriminalistička, kriminološka i pravna istraživanja (CKKPI) <https://ckkpi.ba/>
Školska, 72 270 Travnik, Bosna i Hercegovina
Tel/Mob: +38761527728
E.mail:centarkkpi@gmail.com,
centarkkpit@gmail.com ili tr.zavod@bih.net.ba.

ORGANIZATORI KONFERENCIJE



Kanton Središnja Bosna
Srednjobosanski kanton

Ministarstvo obrazovanja, znanosti, mladih, kulture i športa
Ministarstvo obrazovanja, nauke, mladih, kulture i sporta
Ministry of science, education, youth, culture and sports



**IV (ČETVRTA) NAUČNO
STRUČNA KONFERENCIJA SA
MEĐUNARODNIM UČEŠĆEM
„PAMETAN IZBOR, SIGURNA
BUDUĆNOST – PREVENCIJA
EDUKACIJOM“**

**Dana, 10.04.2026. godine (petak)
VLAŠIĆ
Bosna i Hercegovina**